

2 KORINTO BATII

Kukū Nyɔɔfa Ko Di Paulo

Lakpana Aata Ni Korinto Batii

¹ Ami, Paulo diefe ni di Yaa dibiesaa suoto ni nle Saate Yesu Kristo tɔkyɛntε nε, ami ku Obiloo Timoteo nikɔkpana kukū ko mmle munkyesee Yaa bafūbanutε ba ninkpe ni di Korinto ku Yaa batii ba bamuu ninkpe ni di Akaia kasɔ suoto nintεs nwu.

² Buɔkaalε Teewo Yaa ku Saate loo Yesu Kristo sibuale ku atoko ɔkye ole bulε disieko ye.

Yaa Akpee Wo Kɔnɛɛ Kaafutu Di Dibuo Loo Biala Kame.

³ Bita bupε Yaa wɔ ninle ni Saate loo Yesu Kristo Ote sεfa. Ote wɔ ninnya wo ni nyaami, nnwɔɔ nfñ di lεkyakaako nkye ninwa wo nε.

⁴ Nnwɔɔ ninkpee wo kɔnɛɛ kaafutu di abuo loo amuu kame, mmle okle buafuo ni batii bamba kafɔɔ ɔkyakaako di dibuo biala lεma kame. Fe mmle okle di Yaa nkpee wo ni kɔnɛɛ kaafutu, nkpo okle munkpee batii bamba kafɔɔ kɔnɛɛ kaafutu nε. ⁵ Fe mmle di awo kafɔɔ buoofe ni di abuo kpинwu kame fe mmle okle di Kristo lafe nii, nkpo okle kafɔɔ diefe ni di onwii loo ɔbla ku Kristo di Yaa kafɔɔ kokpee wo kɔnɛɛ kaafutu nε. ⁶ Obe lele bεεbla wo amumu yi, ninle lεkyakaako ninta ye ale Yaa kakpee ye kɔnɛɛ kaafutu minwε didiki. Obe lele kafɔɔ beekpee wo kɔnɛɛ kaafutu, Yaa nkpee ye kɔnɛɛ kaafutu ale biafuo oyila di dibuo lee kame, fe mmle okle

di awo kaf   munfuo ni oyila di dibuo nwu nkpo okle kame. ⁷ Osuku onyu w   ninkpe wo ni di suoto lee diele   yek  le, diekye buye bule f   mmle biow   ni abuo, nkpo okle di awo kaf   buow   n  , Yaa kokpee ye k  n  e kaafutu, f   mmle okle kaf   okpee wo ni k  n  e kaafutu.

⁸ Babiloo, buomie bule but  k   ye dibuo le okle buaw   ni di Asia kas   nt  e nwu suoto. Dibuo nwu nkpo labakple atoo kple aatika wo di suoto ale, butasinkple buaw   osuku onyu kuonwii bule bubaw   nkpa bia. ⁹ Nwaako lo, ote diate wo f   kukpi l  p   baalo wo! Kaf   nle mmle lawa ale buaay   anu loo muntika di Yaa w   ninsenkesa ni bakpi mansie ni nkpa. Diele ale suoto loo buatika anu. ¹⁰ Aadiki wo aakyeko kukpi lehaa kple nwu nkpo kame. Abakple andiki wo kaf  . Nwaako, Yaa w   mmle suoto buotika anu bule   owa wo   badiki, ¹¹ f   mmle biat  kyakaako wo ni di   laa   pe   ta diisi loo. Nkpo okle dikpe nii Yaa l  ta olaa   pe   ta kpinwu nkpo ntale n  , ale, batii kpinwu katakatesa sel   l  ma katoo mampe nw   sefa f   mmle okle   kyakaako wo ni oso.

Paulo Labue Lesaa Le Oso Aakyelensa Ni Disibu N  .

¹² Lesaa le oso bu  kanta ni ninle ale otu loo diloolo wo l  p  , diekye bualoolaa suoto loo buaklee nwaa di batii bamuu kame. Kyenkye awo ku aye kasi   di Yaa osuku suoto, l  ky  nk   kaf   diesi kaame. Diele kayi ka mmle ninumbe buay   buasiek   ye nkpo, kaf   Yaa sibuale ku   ny  e n  c   suoto buafe. ¹³ Asaa ya biafuo ni   ka minnu ni kas   lete bu  kpana munkyesee ye n  . Lef  lenu kaf   nle bibanu asaa ya mmle amuu

kasō, ¹⁴ fe mmle okle bienu ni aba awo kasō. Bibanu kasō kafōō ale biafuo ɔkanta di suoto loo, awo kafōō munkanta di suoto lee di dii le di Saate loo Yesu makple anwa ni suoto.

¹⁵ Obe wō lefū lenu nle minfū mi ni ku otu omuu oso, ni labla disibu lēkasale nle kōwa ɔkye lee ale biawē dikusēkuse sənyē nē. ¹⁶ Lēkasale mawa manya ye nse kofe Makedonia, nse kokple ninfa kafōō, makple nfe di ɔkye lee minkyakaakoe nsifi Yudea. ¹⁷ Obe wō labla disibu nle kōbla ni nle mmle, otuo diotuo ale nōɔbla asaa tinini? Ni kōbla asaa nii fe kayi otii, ambue ɔlaa ale, "Yii," ooloo nii ankple ambue ale, "Oowo," di kanya nwu kanwii kame?

¹⁸ Kafōō fe mmle di Yaa mbla ni di ɔlaa nōɔ suoto yi, nkpo okle di awo kafōō, ɔlaa lele buɔkpana munkyesee ye nte nē. Diele fe mmle di otii mpesewa ambue ale yii, ooloo nii ambue ale oowo nii. ¹⁹ Yaa Obi Yesu Kristo wō suoto ɔlaa di ami omu ku Silvano ku Timoteo buabue buata ye ni kaame lee diele yii ku oowo otii. Kafōō ale otii wō di ɔlaa nōɔ nle ni yii obe lele. ²⁰ Diekye Yaa ɔlaa lele aabue aate di Yesu Kristo suoto lawa kaanya ninkpo. Nni nkpo oso mumbue di leyooto nōɔ kame bule, "Diwa kaanya" nē. Munyō lētansa mutta Yaa nē. ²¹ Yaa nieta ale awo ku aye buɔbla onwii ku Kristo, ni di nnwōɔ omu nōɔ eediki wo eese lete ale buabla nwō ɔkpē nē. ²² Nnwōɔ niete wo nsū ale bale nwō bule obe lele, ni εευɔ Ninwuna Klekle eekpee wo di situ kame, fe kamaa diyilasaa εετα asaa ya amuu eelolaa εετε abata wo nii.

²³ Yaa ninle mi kamaayilate di aye ku ami nteε ale nyaami lənya ye, nioso ninansinwa Korinto

nε. ²⁴ Diele ale buonyinka ye di lesaa le biefū bienu ni suoto. Diekye buye bulε biemufū ofū onu lee bikle osie kanya kofokofoko. Kafčč ɔkpe buɔbla ku aye, mmle okle biawε ni suoto leyčč.

2

¹ Nle mmle oso labla disibu nle noosinkple nwa ɔkyε lee ale nnεε kafee ye nε. ² Diekye nse lεta nnεε lefee ye, otii kuonwii kafčč nsinnaa abata ale suoto nyčč mi nii. Diekye nse lεta nnεε lefee ye yi, aye nwu ko ninkpe mi nε. ³ Nkpo oso lakpana kukū siene nwu nkpo lakyesee ye nε. Ni nse nfe lebawa ɔkyε lee, ni batii ba dikaate ale baakpee mi ni suoto leyčč kuonwii lεma dilabata ale nnεε difee mi. Diekye lefū lenu nle nse suoto kɔyčč mi, aye kafčč suoto mayčč ye. ⁴ Nwaako, kukū ko mmle lekpana ye nii, lekpana kū ku otu kame ninyinyi kplε ku lεhaa ku nnumεε. Diele ale komie nle, aye kafčč nnεε difee ye, kafčč mmle biatofo bile mbɔmbč ye ni nwaa oso.

Paulo Layč Csaatanlolaa ɔbla Aakyε Blate.

⁵ Nse otii owo lεta nnεε lefee mi yi, diele letε nii di nnεε nwu nkpo mafee. Nioso buafuo obue bulε εεbla okpile di bamuu lee suoto. Kafčč noomie nle bulo nwč lepčč sikitii. ⁶ Diekye letokonanfi le bitččtčč nii kaame lee nfe dipč. ⁷ Nioso nunua yi, biyč lesaa le εεbla ni bikyε nwč, biekpee nwč osie ale alaabuo nyaami, nnεε difee nwč adiε nnεε. ⁸ Nioso lekoto kotikititε ye nle, bikpee nwč otu, biediki bituo nwč bile mimbɔmbč nwč. ⁹ Nle mmle oso lakpana ye kukū nwu nkpo nε, diekye lamiε nle kɔyč nnyu

mmle okle biakpee ni otu di ɔso onyu nwu nkpo kame ku mmle okle minkyɔɔ mi ni asaa otuo atoko obe lele. ¹⁰ Nse bieyɔ otii owo lesaa le εεbla ni biekye nwɔ yi, amii leyɔ otii nwu nkpo lessaa nwu εεbla ni lekye nwɔ. Nse leyɔ otii owo okpile lekye, nse nwaako, leesaa lewo bia nkpe dikpe ni leyɔ lekye, ntɔɔyɔ lekye di Kristo anu ale biakple mimbla onwii. ¹¹ Nle mmle ɔbla mata ale bubatii Abonsam osuku ale alabawɛ kabuokɔ di kame loo, diekye buye nwɔ kakyonkyɔ sisuku.

Paulo Lamie Ale Oonu ɔlaa Ankyeko Tito Nfū.

¹² Obe wɔ lawa ni Kristo ɔlaa biene nwu nkpo obue di Troas, Saate lasɛkete osuku ale kabla nwɔ ɔkpe ninfa. ¹³ Kafɔɔ otu ditate mi, diekye ntanya obiloo Tito ninfa, nni nkpo oso lakaale batii nwu osuku ladie lasifi Makedonia.

Kristo Leta Buɔwɛ Lelenkee.

¹⁴ Kafɔɔ, buɔpɛ Yaa sefa! Di onwii loo ɔbla ku Kristo ale, obe lele Yaa kota wo lelenkee di Kristo kame ale oofe kaame loo andiki nwɔ antuo kayi kamuu fe mmle di nnɔnyi kɔnɔnkɔnɔ mpe ni ɔkɔnɔ ninkyaka ni aba aba. ¹⁵ Ote bute fe ɔkɔnɔ biene wɔ di Kristo kɔyɔ anta ni Yaa. Ni kuofe di batii ba ninkyɛ ni di osuku biene suoto boofe ni didiki nkpa ɔwe kame ku mba kafɔɔ nintika ni di osuku lalaale suoto boofe ni kawɔɔ kame ne. ¹⁶ Batii ba nintika ni kuukpi osuku suoto yi, bɔɔnya wo fe ɔkɔnɔ wɔ nikotuo ale babawɔɔ ni ku letembi lema. Batii ba kafɔɔ nimawɛ ni didiki yi, bɔɔnya wo fe ɔkɔnɔ wɔ nikotuo ale babawɛ ni nkpa mmuu. Nwaako kafɔɔ owe nimafuo ɔkpe wɔ mmle ɔbla nse baatɔɔ osuku? ¹⁷ Awo buote fe batii kpинwu bule ba ninkle Yaa ɔlaa nwu nkpo

boosunsū nii. Kafɔɔ Yaa niɛta wo kayilakɔ ni buoyie ɔlaa nwu nkpo lekya di anu nɔɔ fe Kristo bakpemblate ne. Diele batii buɔkyɔnkyɔ.

3

Yaa Leta Wo Nkpa Di Kanya Ninii Fôle Kame.

¹ Ni nle mmle kotuo ale butookple buɔkyako suoto ɔtansa? Buote fe batii bamba ba di kukū leffi ale buayo mundiki suoto muntuo ye nii. Nle mmle kafɔɔ buloomie bule butɔko ye bule bikpana kukū kowo bidiki wo bituo batii bamba bawo ne. ² Diekye aye bamu ninle wo akū ya di Yaa lekpana eetika wo ni di situ suoto ne. Otii biala kafɔɔ manya wo letembi ante nsū di suoto lee kame. ³ Diɛkpa kame klekle ale Kristo omu lefe di suoto loo εɛta ale biefū bienu. Nkpo oso aye ninle kukū ko εɛkpana ni ne. Diele kakpana weseε εεyɔ εɛkpana asaa ya mmle. Kafɔɔ Yaa wɔ ninkpe ni nkpa Ninwuna osie aayɔ aablako ɔkpɛ aakpana. Diele kafɔɔ difuɔ suoto aakpana fe mmle aabla ni saa, kafɔɔ batii situ suoto εɛkpana.

⁴ Buafuo nle mmle obue, diekye di kayilakɔ ka di Yaa lɛta wo ni di Kristo kame oso. ⁵ Di awo bamu loo kame yi, bunaa kayilakɔ kukanwii buafuo obue bule buɔbla ni ɔkpɛ wɔ mmle. Kafɔɔ Yaa nfū lɛkyakaako nwu lekye. ⁶ Nnwɔɔ niɛta wo lɛkyakaako le mmle ale buatuo batii mmle baakyɔɔ ni kanya ninii fôle le mmle atoko di nnwɔɔ Yaa eenii ni ku batii. Kanya ninii fôle le mmle diɛlaka kufiofa kofole nwu nkpo bɛɛkpana nii. Kafɔɔ Yaa Ninwuna dilaka. Diekye kufiofa

kofole nwu nkpo nlo wo kukpi ləpɔ̄c, kafɔ̄c Yaa Ninwuna nta wo nkpa.

⁷ Yaa kufiofa ko baakpana ni saa yi, diale selaa se baakpana baatika ni diifū suoto. Di obe wɔ̄ bɔ̄cɔ̄c selaa se mmle manta ni batii yi, Yaa ləkpa lata Mose anu latooesee. Kunte ləkpa nwu nkpo latɔ̄cwa kasɔ̄ di Mose anu, Israel batii ditafuo oyila otoonyu nwɔ̄ di anu. Ni se kofiofa ko ninlo ni kukpi ləpɔ̄c lawa di obe nwu nkpo kame ku Yaa ləkpa le mmle okle mo, ⁸ ni Ninwuna nɔ̄c ɔ̄saabla mawa ku ləkpa le ninlenke ni ləkasale nwu nkpo lele? ⁹ Ni nse kofiofa kofole nwu nkpo nin-yɔ̄ kukpi ləpɔ̄c anta ni otii nkple lekpa le mmle okle yi, ni dikpe ni muntofo bule ɔ̄laa biene wɔ̄ nimbla wo ni tinini yi, ləkpa ninwu nlenke ləkasale nwu fanfa. ¹⁰ Buobue nle mmle diekye ləkpa le kple kame nfe busi ni, ləta diebla fele lekofole nwu nkpo ləkpa ntɔ̄bafe. ¹¹ Ni nse lesaa le di obe nini ntɔ̄bafe ni lakpa nkpo di obe nwu kame, ni biye bile lesaa fole le ninnaa ni kaloo, ləkpa nini malenkee nni nkpo fanfa.

¹² Di obe wɔ̄ bukpe ni osuku onyu di lesaa fole le ninnaa ni kaloo oso yi, munkpee otu munkakate di lesaa biala suoto klekle. ¹³ Kafɔ̄c awo buote fe Mose wɔ̄ niayɔ̄ lesaa aatii ni anu ale Israel batii dilabatofo ale Yaa ləkpa le nintika nwɔ̄ ni di anu nfe kɔ̄ye. ¹⁴ Nwaako bayitofo nle mmle bate ni nsū di disibu ləma kame. Diekye diebase bia miɛ, se bɛɛka Yaa ɔ̄laa nwu di kanya ninii kofole nwu nkpo kame yi, dite fele anu difiisaa nwu lekple dietii ma disibu. Lesaa le lete ninta ale anu difiisaa nwu nkpo ntekete ni ninle nse otii leyɔ̄ suoto nɔ̄c εɛbla onwii ku Kristo.

¹⁵ Nwaako diebase bia miε nse bεεka Mose kufiofa kukū nkpo kame selaa yi, ote ko ninte fele ditīisaa nwu bεεyø beetīi ma disibu. ¹⁶ Kafcø nse otii lekyi εεwa Saate nfū, ni anu ditīisaa nwu nkpo matikiti, annu selaa nwu nkpo kasø. ¹⁷ Nunua, Saate wø bεεlεε ni ninfū yi, nnwø ninle Yaa Ninwuna ne. Kakø lele kafcø di Yaa Ninwuna nkpe yi, kuonwii ninsie di ninii kame. ¹⁸ Bamuu loo ba batootekete ni anu ditīisaa nwu di anu yi, buodiki Saate lækpa nwu muntuo klekle. Saate nwu ninle ni Yaa Ninwuna, nnwø nikominikīisa wo letembi ale buate fe nnwø ale buakple muntcøkpa muntcøkyakaa ne.

4

Bute Fe Abukii Ya Beεεbla Nii.

¹ Yaa lele wo sibuale ni εεyø ɔkpe noo eekpee wo di nnεε kame ale bubla ne. Ta nkpo oso nnεε diloofee wo. ² Butoodie awofassaa ku anunsøssaa ɔbla buɔtε di ɔlɔɔkø. Bulɔɔyø selaa kuafunu bubla ɔkpe ee buminikīisa Yaa ɔlaa nwu nkpo bufuusa. Mumbue ɔlaa biene nwu nkpo klekle di Yaa anu ale otii biala kanya wo nkpa biene mante nsū. ³ Nse ɔlaa biene nwu nkpo lekya buoyie ni lebla ditunu kuɔta batii bawo yi, ni bitofo bile batii ba nikowø ni kule ditunu kuɔta. ⁴ Ni batii nwu nkpo yi, baafū banu ni di Abonsam lebie ma anu, eetfī ma osuku mmle manaafuo ni lækpa nwu nkpo ɔnya ne. Lækpa le mmle lekye ɔlaa biene wø ninle ni Kristo leklekle kame. Nwø ninsi ni di Yaa omu letembi kame. ⁵ Diele awo bamu suoto lekya buoyie, kafcø Yesu Kristo ɔlaa lekya buoyie mutta ye bulε, nnwø ninle Saate nwu. Awo yi, bakpεmblatε bulε buɔta ye ta Yesu

oso. ⁶ Yaa wɔ niabue ale, “Lekpa dikpa ni di ditunu kame” yi, nnwɔɔ kafɔɔ nieta lekpa nɔɔ lekpa di situ loo kame ne, ale aata muntofo Yaa lekpa di Kristo anu.

⁷ Awo ba ninkpe ni ninwuna kame lesaawɛ kple le mmle, bute fe kɔtε abukii nimbiɛ nii. Nle mmle kɔta otii biala ntofo klekle ale diele ɔkye loo di osie kple wɔ mmle lekye, kafɔɔ Yaa nfū kuokye. ⁸ Munnya dibuo obe lele, kafɔɔ dibuo nwu nkpo ninlenkee wo. Obe owo disibu loo nkpo kɔtɔ, kafɔɔ nnɛɛ ninfee wo. ⁹ Balo kpinwu ntikanko wo, kafɔɔ Yaa nindiki wo atoko. Kunte bia obe owo mampe wo ale boolo, munkpi. ¹⁰ Mumbuo di dibuo kame obe biala ale boolo wo fe mmle baalo ni Yesu. Kafɔɔ fe mmle buokple bukpe ni nkpa, nkpo okle kafɔɔ diotuo ale Yesu nkpe nkpa ne. ¹¹ Nwaako di nkpa loo mmuu disiebi kame yi, obe lele busi di kukpi leyekɛ nnɛɛ kame ta Yesu oso. Kafɔɔ di osie wɔ εεta wo ni di suoto loo kame oso, ale batii kawɛ nkpa nɔɔ di suoto sina se nimakpi ni kame. ¹² Nle mmle oso buofe di kukpi dibuo kame obe lele ne, ni di aye biowɛ ninwuna kame nkpa ne.

¹³ Beεkpana di Kɔkpana Klekle Kukū kame ale, “Lafū Yaa lanu, nkpo oso labue nwɔ ɔlaa ne.” Nkpo okle di awo kafɔɔ buofū buonu ne, nkpo oso buoyie ɔlaa biene nwu nkpo lεkya ne. ¹⁴ Buye kafɔɔ bulɛ Yaa wɔ niasenkesa ni Saate Yesu aakyeko ni bakpi kame, abasenkesa awo ku Yesu ankpaa awo ku aye anasiisa di anu nɔɔ. ¹⁵ Aye dibiene oso di asaa ya mmle amuu nte nkpo. Ni nse batii kɔwɛ didiki mankyakaa diefe ni di Yaa sibuale kame yi, nkpo okle kafɔɔ

babatcoyc letansa le nietaka ni katoo ku dibu mantcocta Yaa ne.

Bubawé Dibu Ku Suoto Leycc Kple.

¹⁶ Nle mmle oso nnue diloofee wo kunte suoto loo se mmle sina kowco keekkeek, kafco buye bule ninwuna loo kame nkpa osie kobla lefcole obe lele. ¹⁷ Dibuo le keekke buowé ni di obe kakui wo mmle di kayi ka mmle kame yi, mata ale bubawé suoto leycc kple di Yaa kafa ninnaa ni kaloo. Dibalenkee kafco dibuo le nimuu buowé nii. ¹⁸ Nioso buoyé anu loo buotika di asaa ya di anu loo dilabafuo ni onya suoto, diele asaa ya kafco di anu loo kafuo ni otcoanya ale. Asaa ya di anu loo konya ni kafco, obe kakui ko di nnya nkpo nwé. Kafco n-ya di anu loo ninya nii, obe lele akpe.

5

¹ Nse suoto loo sina se ninle ni leyo le kame busi ni kaasé ka mmle suoto lélalaa yi, bukpe leyo di Yaa kafa Seka okpoo nwu nkpo. Leyo nwu nkpo kafco yi, Yaa omu niéyé nnue nco eetofo ni, nioso dilababie diidii. ² Di obe wó kame buokple busi ni kaayi ka mmle suoto sina kame yi, bunaa onyeé cte. Nioso buonyu osuku osie kanya bule buawé Yaa Kafa okpoo nwu suoto sina. ³ Nse buowé suoto sina nwu nkpo yi, ni dilabasinte wo fe lekyoté busi. ⁴ Di obe wó buokple busi ni di kayi ka mmle suoto sina kame yi, buonya bule bunaa onyeé cte di abuo loo kame. Kafco diele ale buomie bule, budie kayi ka mmle suoto sina se mmle bute. Kafco buomie bule bukpee Yaa kafa suoto sina se nincowa ni obakpi ale,

siafū nse nimakpi ni kayilakō fεε. ⁵ Yaa omu nielolaa wo εεta ale buawε dikyi le mmle. Ni εεyε Ninwuna nɔɔ εεta wo fε lesaa le bubayε muntoonyu ni osuku di asaa ya amuu eelolaa εεte εεta wo ni suoto nε.

⁶ Nle mmle oso obe lele bukpe otu okpee. Nioso buye bulε nse busi di suoto sina se mmle kamε yi, bulɔɔnya Saate nwu ku anu. ⁷ Ofū onu buɔyε busi nkpa. Diele lesaa le buɔnya ni ku anu dile. ⁸ Nwaako bukpe otu okpee, kafɔɔ dikle wo ɔkɔnsɔ osie kanya bia ale, buadiε suoto sina se mmle munte munsifi munaawε kaafa di Saate nfū. ⁹ Nioso lesaa le buomie ni osie kanya ninle ale, nse bukpe ninfū woo, bukpe di Yaa Kafa woo, buabla Saate nwu dibiesaa. ¹⁰ Diekye bamuu loo bubayila di Kristo anu ale aakanko woo. Obiala kafɔɔ mafū letota le niesieko nwɔ nii, di lesaa le εεbla ni kanya. Dibiene dile woo, dikpile dile woo, abafū letota nɔɔ di nkpa be eesie ni kaayi ka mmle kamε.

Bitookple Basiεwo Ku Yaa Diefe Ni Di Kristo Suoto.

¹¹ Obe wɔ nfe buye mmle dikpe ni ale buayεke ni Saate nwu oso, nkpo kafɔɔ buɔpε munkpee di batii kamε ale baayεke nwɔ nε. Yaa kafɔɔ n-ye wo nwaa, lefū lenu nle aye kafɔɔ biye wo nkpa nwaa. ¹² Diele ale suoto katoo bu-tookple buɔɔtakatesa muntuo ye, kafɔɔ buomie bulε biawε disibu biene di suoto loo. Komie kafɔɔ nle biawε kayilakō biene ta awo oso ale biafuo kanya odiki otuo batii ba nin-yɔ batii anu letembi mankanta nii, ninanle ni nkpa biene lεma letembi oso. ¹³ Nse batii bawo kɔnya wo

fε afii buobuo yi, Yaa wɔ mumbombɔ ni oso dite wo nkpo. Kafɔɔ nse buloobuo afii yi, ni aye lele oso dite nkpo. ¹⁴ Kristo lεbɔmbɔ le akpe ata wo ni nikole sekə di suoto loo. Nunua butootofo bulε otii onwii niakpi di batii bamuu disi, nle mmle kotuo ale bamuu loo butootu kukpi nwu nkpo buonyu. ¹⁵ Kristo wɔ mmle lakpi baati bamuu disi ale batii ba ninkpe ni yi, blaasinsie nkpa bata suoto lema. Kafɔɔ baasisie nkpa manta Kristo wɔ niakpi ni lete di Yaa lasenkesa nwɔ aakyeko ni bakpi kame ta mma oso.

¹⁶ Diεyɔ ni di nle mmle kamaa, buloosinkanko otii kuonwii di kayi ka mmle disibu kanya. Fe mmle buakanko ni Kristo di obe wɔ nintabafe ni kame. Buloosimbla nkpo okle.

¹⁷ Nkpo oso nse otii owo ku Kristo ntɔɔbla onwii kamaa, atookple otii fɔle. Otii nwu nkpo kafɔɔ letembi kofole ntoofe, lεfɔle nfε nintɔɔwa. ¹⁸ Yaa niebla asaa ya mmle amuu. Nnwɔɔ niafe di Kristo suoto aakpanaa kalɔ ka ninsi ni di awo ku nnwɔɔ omu nɔɔ ntεε. Ni εεyɔ ɔkρε wɔ mmle eekpee wo ninneε, ale buakpaa batii bamba kafɔɔ munwako mamale nwɔ basiewo ne. ¹⁹ Olaa nwu ninle ale Yaa lefe di Kristo suoto εεkpanaa kalɔ ka ninsi ni di nnwɔɔ ku batii ntεε. Yaa diloosimbu sikpile lema ata ma. Ni εεyɔ ɔkρε wɔ mmle eekpee wo ninneε ale buabue muta batii ale atoololaa nnwɔɔ ku batii ntεε.

²⁰ Awo nin-yε di Kristo kanya. Ni di Yaa omu kofe di suoto loo antɔkɔ ye lesaa le tututu oomie ankyeko ni ɔkyε lee ne. Nle mmle oso buyε di Kristo kanya buotikiti ye lekoto bulε bita Yaa alolaa aye ku nnwɔɔ ntεε. ²¹ Kunte Kristo ditabla

okpile kuonwii yi, Yaa lata aabayila siikpile loo kanya aata wo. Ale nse buɔbla onwii ku nnwɔɔ yi, ni Yaa kabu wo fɛ babienetɛ di anu nɔɔ.

6

¹ Di obe wɔ buɔbla ni ɔkpɛ ku Yaa oso, buotikiti ye lekoto bulɛ, bitanta Yaa sibualɛ se eele ye ni labla kasakasa. ² Diekye Yaa labue ale,
“Obe wɔ ninle ale kanya fɔ ni nyaami, lanu fɔ
lɛlɛɛ.

Dii le dikaate ale kadiki fɔ ni lawo nii,
lakyakaako fɔ.”

Binu! Kɔtɔkɔ ye nle nunua ninle obe wɔ diesieko ale Yaa kanya ni nyaami ne. Miɛ ninle dii le di Yaa kodiki ye ni ne.

Paulo Lakyakako Dibuo.

³ Buloomie bule otii kuonwii anya okpile kuonwii di ɔkpɛ loo ɔbla kame. Nle mmle oso munɔɔbla lesaa le nimata ale batii dilabawa ni Yaa nfū ne. ⁴ Kafɔɔ lesaa lele buɔbla, mundiki muntuo klekle bule Yaa bakpɛmblatɛ bule. Munkpee otu osie kanya di amiina ku abuo ku atikanko kame. ⁵ Batii mpe wo mante wo leeyo, manya ɔblɔ kafɔɔ osie kanya mankpeeko wo. Mumbla ɔkpɛ kafɔɔ munlenkeesa suoto, munnte buakyɔsii kafɔɔ, kɔka kafɔɔ nlo wo.

⁶ Buadiki suoto buatuo bule bakpɛmblatɛ biene di mmle okle buabla ni suoto klekle ku mmle buye ni Yaa ɔlaa biene nwu nkpo. Buawakosa suoto kasɔ ku ɔsaabla di batii kame, buabla kafɔɔ sifutule. Yaa Ninwuna nsi wo kaame, ni buabɔmbɔ batii ku kafutu ka niɛkpa ni ne. ⁷ Bulɔɔkyɔnkyɔ batii ku ɔlaa loo obue. Yaa

osie wɔ nintikanko wo ni kotuo kafɔɔ ale bule nwɔ bakpɛmblate. Nkpa loo tinini osie kafɔɔ nle wo lesaa biala di ɔkpɛ wɔ mmle kame. Dite fe akpɛsaa ya di kpɛtɛ nklee ankpe nii. ⁸ Batii bawo mbu wo, bawo kafɔɔ nkpee wo sinunso. Bawo ntufa wo, bawo kafɔɔ ntansa wo. Batii bawo kɔnya wo fe balaate, kafɔɔ ɔlaa wɔ buobue nii, kute nkpo. ⁹ Batii lɛbla fe baaye wo, kafɔɔ bamuu n-ye wo kaakɔ biala. Boonyu wo fe butookpi, kafɔɔ binyu! Buokple busi nkpa! Bɛenanfi wo kootoko, kafɔɔ buokpi. ¹⁰ Kunte suoto loo kɔkpɛ nyaami, buɔnya suoto lɛyɔɔ obe lele. Bɔɔnya wo fe bapiite kafɔɔ buɔta batii makple Yaa Kafa basaawente. Bɔɔnya wo fe batii ba ninnaa ni lesalesaa, kafɔɔ asaa amuu nle wo ale.

¹¹ Babiloo Korinto batii, buodiki kafutu loo kame buɔkakate buɔta ye. Buofū ye siitu loo kame. ¹² Buoodie ye nnɛɛ, kafɔɔ aye niesi wo. ¹³ Nioso kɔkakate nta ye fe mmle di obi ote nkakate anta ni babi. Nioso fe mmle munandie ye ni nnɛɛ, aye kafɔɔ bitansi wo.

Otii Wɔ Niefū Eenu Ni Ku Otii Wɔ Ninanfū Anu Ni Nnaa Onwii ɔbla.

¹⁴ Bilolaa binyu bilɛ aye ku batii ba ninanfū banu nii, biebla onwii ku mma. Diekye lessaa le ninante ni tinini ku lesaa le ninte ni tinini dilaafuo onwii ɔbla. Nwaako, lɛkpa ku ditunu kafɔɔ dilaafuo osie di lɛba ninwii. ¹⁵ Kristo ku Abonsam dilaafuo onwii ɔbla. Nkpo okle kafɔɔ di otii wɔ niefū eenu ni ku otii wɔ ninanfū anu ni dilaafuo onwii ɔbla ne.

¹⁶ Afio olekatakɔ ku Yaa Olekatakɔ, nimbla onwii. Nkpo oso awo kafɔɔ buosiɛko afio, diekye

awo ninle Yaa wɔ ninkpe ni nkpa kasiɛkɔ. Fe mmle di Yaa omu labue ni ale, "Mabla kasiɛkɔ kaame lema, nsie ku mma, male ma Yaa, mma kafɔɔ manle mi batii." ¹⁷ Nkpo oso Saate nwu labue ale,

"Bidie ma kaamɛ,

bieblasu suoto lee kaamɛ lema di afiɔsaa
ɔbla suoto.

Bitambla lesaa le nimakpɔnɔnfɔsa ye ni kunin-wii,

ni kamafū ye aatuu.

¹⁸ Ni kamale ye Kote,

aye kafɔɔ minle mi babi suotɔbi ku babi
sankobi.

Fe mmle di Yaa wɔ ninlenke ni lebue nii."

7

¹ Babiloo bɔmbɔtɛ, obe wɔ di Yaa ntɔɔka asaa ya mmle amuu ntam εɛta wo ni oso, bita bubla suoto klekle budiki die asaa ya amuu nimata ale suoto loo ku ninwuna loo nkɔnɔnfɔ ni. Biɛta buyɔ suoto loo simuu kafɔɔ butɔɔ leeklekle kame, die obe wɔ buyεkε nwɔ ni.

Paulo Lanya Suoto Leyɛɔ Di Obe Wɔ Di Korinto Batii Lakyisa Ni Nkpa.

² Bifū wo siitu lee kame. Buɔbla kuonwii lee okpile, buɔnanfi kuonwii lee kafɔɔ bufenko di osuku kpile kuonwii suoto ee butafaa kuonwii lee. ³ Noobue ɔlaa wɔ mmle nlɛ kɔyɔ nlo ye lepɔɔ. Diekye ntooyibue lebafe nlɛ, biefū wo kɔya. Nkpo oso kukpi kame wo, nkpa kame woo, lesalesaa kuninwii dilaafuo wo nteɛ ɔblasa. ⁴ Letika ye anu osie kanya! Nkanta kafɔɔ ta aye

oso. Otu nii ntoote. Di abuo loo amuu kamε yi, suoto kɔyɔɔ mi ninfensa.

⁵ Obe wɔ buawa buababuo ni Makedonia bia, butawε onwu buanwuna lebeleebe. Diabuo wo di sisuku ate ate suoto. Batii kafɔɔ latɔɔkρεko wo, lεyεkε lasiε wo kaame. ⁶ Kafɔɔ Yaa wɔ ninkpee ni batii ba di nnεε ntoofee ni lakpee wo osie obe wɔ di Tito lakyε ɔkyε lee aawa nii. ⁷ Diele Tito lεwa nwu lete niata ale suoto layɔɔ wo. Kafɔɔ otu okpee selaa se aakyeko ɔkyε lee aawako ni nkyakaa. Aatɔkɔ wo mmle okle biomis osie kanya bile biɔnyεs nii, ku mmle di okpile lee lebuo ye ni suoto, ku mmle bielolaa suoto bile bioyila mi ni kamaa osie kanya. Ta nninkpo oso di suoto lakple siayɔɔ mi sialenkee ne.

⁸ Kunte bia kukū ko lakpana ye ni lafeesa ye nnεε, nwaako, dile ale lakpana kū. N-ye nlε kukū nwu nkpo lakpana ni lafeesa ye nnεε, kafɔɔ obe kakuii kamε lete ko diaale, amii diakpε mi nyaami. ⁹ Kaaso kakyekɔ yi, suoto ditayɔɔ mi ale nnεε lafee ye. Kafɔɔ nunua yi, suoto kɔyɔɔ mi. Diele ale mmle ninnεε lafee ye ni oso di suoto kɔyɔɔ mi, kafɔɔ diata ale biekyisa nkpa. Nnεε lafee ye fe mmle di Yaa komis nii. Nkpo oso lessaa le buabla ni lεkyakaako ye osie kanya. ¹⁰ Nse nnεε lefee otii owo fe mmle di Yaa komis nii yi, otii nwu nkpo nkyisa nkpa, andie sikpile ɔbla, anwε didiki, nimbuo nwɔ suoto kafɔɔ. Kafɔɔ nse kayi ka mmle asaa suoto ninnεε lefee nwɔ yi, ni kukpi anfū anta suoto.

¹¹ Binyu mmle okle di suoto dibuo le niekye ni Yaa nfū kɔbla ni ɔkpε osie kanya di kamε lee

lo. Dieta biokpee okyiini di ɔsaabla suoto. Dieta ale biokpee okyiini bile biodiki suoto di sikpile kame minsie nkpa klekle. Dieta ale minnya ɔblɔ di asaa ya ninankaate ni suoto, minyeké nya kafɔɔ ɔbla. Dieta bionyu lesaa finle osuku, dieta mimbla lesaa nkyenkye. Dieta ale ninu nsɛɛ ye ale biananfi kpileblate kootoko. Di asaa amuu kame, mindiki suoto mintuo bile bite klekle di ɔlaa nwu kame.

¹² Nioso, kuntɛ lakpana kukū nwu nkpo lakyee see ye yi, diele otii wɔ niabla ni okpile oso, ee diele otii wɔ suoto baabla ni okpile nwu oso lakpana. Kafɔɔ lakpana kū nlɛ kɔta ye mintofo di Yaa anu mmle okle biobu wo ni osie kanya.

¹³ Nle mmle oso di otu ntoote wo ne.

Diekyakaa ni di otu ote wɔ buɔwɛ ni suoto yi, suoto lekple siɛyɔɔ wo sielenkee di suoto ɔeyɔɔ le di Tito lanya ni oso. Diekye bamuu lee biata otu nɔɔ late kaaso. ¹⁴ Lakanta di suoto lee latɔɔ, biekpee mi sinunṣɔ kafɔɔ. Asaa ya amuu buɔtɔkɔ ye ni obe lele, nwaako selaa sile. Nkpo okle kafɔɔ lɛɛkanta loo le buɔkanta ni di Tito anu ntootuo ale kute nkpo ne. ¹⁵ Nkpo oso nse eenyuma mmle okle di bamuu lee bialolaa suoto biakyɔɔ nwɔ ni ɔlaa atoko, ku mmle okle biafū nwɔ ni di suoto kasɔ ɔwakosa ku dibu oso yi, lebɔmbɔ nɔɔ nkple nintaka katoo ninta ye. ¹⁶ Suoto kɔyɔɔ mi diekye nunua kafuo ye disi otika di lesaa biala suoto.

8

Dikpe Ni Bieta Batii Asaa Ku Otu Biene.

¹ Babiloo, buomie bulē bitofo ləsaa le di Yaa ntōɔbla ni di bafūbanutē akudi ya amuu ninkpe ni di Makedonia ntēe nwu ta sibuale nōɔ oso. ² Beesō ma beenyu di abuo siene kame. Kunte dipii nkle ma osie kanya yi, beediki kafutu ləma kame bəeta asaa kpīnwu ku suoto ləyōɔ. ³ N-yę ma kamaa kobue nle, bəeta asaa mmle baafuo nii. Beeta beelenkeesa mmle baafuo ni ɔta bia di mma bamu ləbōmbō ləma kame. ⁴ Baatikiti wo lekoto osie kanya ale buata ma osuku ale mma kafōɔ baakyakaako batii ba ninle ni Yaa bakpemblate di Yudea kasō suoto. ⁵ Asaa ya baabla ni yi, aalenke asaa ya butatoonyu osuku bulē baafuo ni ɔbla fie. Ləkasale, baayɔ suoto baata Saate nwu, nni kamaa baayɔ suoto baata awo kafōɔ fę mmle di Yaa komie nii. ⁶ Nle mmle oso, buɔkaalę munkyeko Tito nfū osie kanya bulē, sifutule ɔkpē wō mmle kasō atookye ni kaame lee, aabla ankyenku sitū, anyențe. ⁷ Nunua yi, nfe bile katū di ləsaa biala kame. Nwaako bile katū di ofū onu lee kame ku ɔlaa nwu nkpo obue ku ləsaatofo kame ku okyiini lee okpee ku mmle mimbōmbō wo ni kafōɔ. Nkpo oso binyu kafōɔ bile biekpee osie biele katū di sifutule asaa ɔta ya mmle kafōɔ kame.

⁸ Diele kufiofa kule kokpee ye, kafōɔ koyɔ batii bamba okyiini okpee nkaatęesa ku ole ye munnyu nse nwaako ditiibōmbō lee kafōɔ lewo nimu. ⁹ Diekye biye mmle okle di Saate Yesu Kristo sifutule nte nii. Saawențe aale fie, kafōɔ eedie ləsaa biala ɛetē ta aye oso ɛebakple piite, ale diefe ni diipii nōɔ kame, aye biakple basaawențe.

¹⁰ Di ləkyakaako le biata ni bapiitę ɔlaa suoto

yi, disibu le k̄ota ye ni ninle ale, dile ale biayente l̄esaa le kas̄o biakye ni di l̄elēs le nint̄bafe ni kame. Diekye aye ninle batii ba niakasa ni assa ɔ̄ta. Aye kaf̄o niakasa disibu le mmle ɔ̄bla n̄e. **11** Fe mmle okle biaȳ 1̄eb̄omb̄ biakye ni l̄esaa le mmle kas̄o yi, bikpee okyiini bieyente fe mmle okle di aye bamu niabu ni diisi. Biȳ l̄esaa le ninkpe ye ni biyente nle mmle ɔ̄bla. **12** Nse dile ye 1̄eb̄omb̄ bile bīta asaa yi, ni dibabuo Yaa anu di l̄esaa le ninkpe ye ni kanya. Kaf̄o diele l̄esaa le ninaa ye nii.

13-14 Diele ale atoo nutule k̄oȳ ntika ye di suoto ale, katekete bawo ale di suoto l̄ema. Kaf̄o di obe w̄o mmle kame dikpe ni di l̄ep̄o kame oso, diesieko ale biakyakaako mba ninaa nii. Ni aye kaf̄o nse diewa ale diebaf̄i ye, di l̄esaa nkpe ma di l̄ep̄o kame, ni mma kaf̄o baakyakaako ye. Nle mmle ɔ̄bla mata ale aye ba dudu bibakyεkyε. **15** Fe mmle okle beēkpana ni di Kokpana Klekle Kukū kame ale, “Otii w̄o ninsiisa asaa kp̄inwu ante ni yi, asaa kp̄inwu ninwe nw̄o. Otii w̄o ninsiisa keekεε ante ni yi, l̄esalesaa ninfi nw̄o.”

Baakyese Tito Ku Basiεwo N̄c̄ Baakyε Korinto.

16 Buɔ̄pe Yaa sefa diekye εεbla ale, εεta Tito l̄esεesa anu osie kanya ale ɔ̄kyakaako ye fe mmle okle di awoo buɔ̄bla nii. **17** Aamie ale ɔ̄kyakaako ye, diele ale mmle buat̄k̄o nw̄o ni oso aatuna. Diekye diale nw̄o dibiesaa kofokofoko ale ɔ̄wa ɔ̄kyε lee. **18** Buɔ̄ȳ obiloo w̄o di baf̄ubanute nsiisak̄o mmuu mbu ni osie kanya ta mmle ambue ni ɔ̄laa biene nw̄u oso munkyesee ye ku Tito. **19** Nni kamaa, ale otii w̄o

di bafūbanute akudi nwu lediki ale aatikanko wo ni di sibuale asaa ḥta ḥkp̄e w̄ mmle ḥbla kame. ḥkp̄e w̄ mmle mata ale batii ntansa Saate Yesu Kristo, dibatuo kaf̄c̄ ale dile wo l̄eb̄omb̄o ale buɔkyakaako bafūbanute.

²⁰ Asaa ya kaf̄c̄ baatii l̄eta ni ku sifutule, buololaa suoto munnyu nwaa ale otii kuonwii dilaananfiko wo ɔlaa di mmle okle bukle ato nwu buɔblako ni ḥkp̄e. ²¹ Diekye diele Yaa lete anu buomie bul̄e bubla l̄esaa le ninl̄e nii, kaf̄c̄ ku batii bamuu anu.

²² Ta nkpo oso, buokyesee obiloo ku mma manwa ḥkye lee. Nw̄ butɔɔsɔ buonyu ni siisuku ate ate suoto, buɔnya bul̄e akpe ni okyiini, eefū ye eenu osie kanya. Nkpo oso ookple ammie osie kanya ale ḥɔkyakaako ye ne. ²³ Tito nnwɔɔ yi, siewo nii biene ku kp̄emblate wo nii ale buɔbla ḥkp̄e munkyakaako ye. Kaf̄c̄ babiloo ba yentele ninkyε ni ku nnwɔɔ yi, mma bafūbanute akudi kanya bakye. Ḫsaabla l̄ema kaf̄c̄ n-ye l̄etansa ninta Kristo. ²⁴ Bidiki l̄eb̄omb̄o lee bituo ma, mmle okle di nsisiak̄o bul̄e mmuu matofa ale nwaako, osuku kule ale, buɔyε ye munkanta.

9

Mmle Okle Baata Ni Bafūbanute Bule Asaa.

¹ Nwaako yi, diesinf̄i ale kakpana kukū nkyesee ye di mmle okle biata ni asaa minkyakaako ni Yaa batii ba dief̄i ni bakpe ni di Yudea kasɔ suoto. ² Diekye n-ye nl̄e dile ye l̄eb̄omb̄o osie kanya ale biɔkyakaako batii ba mmle. Ntɔɔkanta ye di suoto l̄eta batii ba ninkpe ni di Makedonia kasɔ nl̄e, babiloo ba ninkpe ni di Akaia kasɔ suoto

ntoololaa suoto bεεtε bia lεlεs nwu ale bɔcta lεkyakaako. Nioso okyiini le wɔ mmle okpee ntɔɔsənkesa batii kpinwu bawo kaame lεma.

³ Nioso nunua, kokyesee babiloo ba mmle ɔkyε lee ale baanya ale mmle okle ntɔɔyɔ ye lεkanta lεta ma ni di nle mmle suoto diele kasakasa. Kafɔɔ fe mmle okle nintoobue ntɔɔtɔkɔ ma nii, n-ye nle bitoololaa asaa ya bibayɔ minta ma ni lεkyakaako nwu bieṭε. ⁴ Nse diele nkpo di babiloo ba ninkpe ni di Makedonia kasɔ bawo letikankoe bεewa ɔkyε lee bεbanya ale bielolaa lεsalesaa bite, munko ye di sinunɔ makpε kafɔɔ sele ye malenkee. Diekye buotika ye anu. ⁵ Nle mmle oso lεbla disibu nle, babiloo ba mmle bale mi katū bawa ɔkyε lee, babakyakaako ye bisiisa lεsa le biabue bile bibata ni bite. Buloomie bulε dite fe otii owo nieyila ye di suoto fε biεta. Kafɔɔ diale sifutule asaa ɔta.

Yaa Mbɔmbɔ Otii Wɔ Ninta Ni Asaa Ku Suoto Lεyɔɔ.

⁶ Binyuma bile, otii wɔ ninkpee ni alesaa kεεkεε, kεεkεε kafɔɔ ankutu. Otii wɔ kafɔɔ ninkpee ni alesaa kpinwu, nkpo okle kafɔɔ ankutu kpinwu ne. ⁷ Nioso obiala kaame lee afukuti kɔnεε nɔɔ kame aata lεsa fe mmle okle εεtε ni ninanle ale diobuo nwɔ ni suoto. Ditanle kafɔɔ fe otii owo ninkobunka nwɔ fε ɔta. Diekye Yaa mbɔmbɔ otii wɔ niεta ni lεsa ku suoto lεyɔɔ. ⁸ Yaa mafuo lεsa lele niefī ye ɔta, anlenkee bia mmle diefī ye nii. Mmle okle di obe biala biawε lεsa le niefī ye ni lεsεpɔ kame, ale biafuo ɔkyakaako nwaa di ɔkpε biene biala kame. ⁹ Kɔkpana Klekle lεkakate di otii wɔ mmle okle suoto ale,

"Anfukuti nnεε nɔɔ anta bapiite asaa ku sifutule,
andie dibiene kafɔɔ ɔbla diidii."

¹⁰ Yaa ninle otii wɔ ninta fekpente alesaa kubi ampe nii, antɔɔ kafɔɔ alesaa anle. Nioso Yaa mata ye alesaa kubi ko biaape nii, anta kafɔɔ alesaa kubi nwu nkpo mmuɔ. Nkpo okle kafɔɔ abata sifutule lee di asaa ɔta kame ntika abi kpинwu di batii kame ne. ¹¹ Yaa mata ale minwε asaa kpинwu di sisuku ate ate suoto ale biayɔ minkyakaako batii bamba. Batii ba mmle kafɔɔ mayɔ lεtansa manta Yaa di asaa ɔta wɔ buofū munkyenku ma ni oso.

¹² Diekye ɔkpe wɔ buɔbla munta ni bafūbanute ba ninle ni bapiite, diɔkyakaako ma osie kanya. Diele bia nni nkpo lete, kafɔɔ dibata ale batii kpинwu mpe Yaa sefa obe lele. ¹³ Sifutule lεkyakaako le biɔta ni batii kotuo ale nwaako biɔkyɔɔ Kristo ɔlaa biene nwu kotoko. Biediki ofū onu lee kayi bietuo di mmle okle biesɛko ni batii bamba asaa ya ninkpe ye ni oso. Batii kpинwu mayɔ dibu manta Yaa. ¹⁴ Nioso babatɔɔpe ɔlaa mantɔɔta Yaa diisi lee ku lεbɔmbɔ. Diekye Yaa lediki sibuale nɔɔ kple nwu eetuo diefe ni di suoto lee oso. ¹⁵ Bita bupε Yaa sefa di lεtasaa le mmle kasɔ munamafuo ni onu εεyɔ εεta wo ni oso.

10

Paulo Lakpe Aata ɔkpe Wɔ ɔbla Nii.

¹ Ami, Paulo omu, lεyɔ Kristo suoto kasɔ ɔwakosa ku otu buεε nka ye. Ami nle otii wɔ ninwakosa ni suoto kasɔ nse nkpe di ɔkyε lee, kafɔɔ mbla asaa ku otu okpee nse nnaa di ɔkyε

lee. ² Lekoto kotikiti ye nle bitanta ale kawa ɔkye lee makakate nta ye ɔtɔ ɔtɔ. Diekye batii ba nikobue kaame lee ale kayi ka mmle disibu kanya buobla ni asaa yi, lete nle masi ɔlaa nta ma osie kanya se lewa. ³ Nwaako dile ale busi kaayi ka mmle kame, kafɔɔ diele kayi ka mmle kakpε ka okle bɔɔkpe ni buɔɔkpe. ⁴ Diekye akpεsaa ya bukle buɔɔkpe nii, diele kayi ka mmle akpεsaa ale. Kafɔɔ Yaa osie kule mun-yo munlenkee Abonsam nkpeko siene. ⁵ Munlenkee ɔlaa ɔnanfi ku lessaa lele le nintakatesa ni suoto katoo nintii ni batii osuku ale batantofo ni Yaa. Mummuufu disibu lele kafɔɔ bule diakyɔɔ Kristo atoko. ⁶ Ni kamaa nse biedie suoto nnεε bieta niimu kame biɛkyɔɔ Kristo atoko yi, ni butoololaa suoto bule buananfi otii lele ninkpe ni otokopf kootoko.

⁷ Aye suoto sina lekye lete bionyu asaa. Nse otii owo lefu eenu ale Kristo ole ale yi, annyuma mmle okle ale ni Kristo ole yi, nkpo okle kafɔɔ di awoo bule Kristo bale ne. ⁸ Diekye nse letakatesa suoto katoo kekees lelenkeesa mmle okle dikaates nii, di osie wo di Saate lεta wo ale buayɔ munnyu ye mimmua ni di ofu onu kame, ninanle ale buayɔ munwakosa ye ni kasɔ yi, sinunso dilaakpe mi. ⁹ Noomie nle dibla ye fele leyeke kokpee ye di aku nii ya kɔkpana ye ni kame. ¹⁰ Diekye batii bawo kaame lee kobue ale ami, Paulo, nkpana aku ya kaame selaa nkpe ni onutu ku osie nkyesee ye. Kafɔɔ nse nkpe ye lɔɔkye lebla buεε, selaa nii kafɔɔ diedie lesalesaa. ¹¹ Komie nle batii nwu nkpo okle batofo ale, selaa se munkpana ni di kuku kame munkyesee ye ni di obe wo bunaa ye ni di ɔkye yi, nsinwu kafɔɔ

mumbla nse bukpe ye di ɔkye nε.

¹² Bulootütükü bulε buçyo kayilakɔ loo munkaatesako ku batii ba nikonyu suoto ale bεetaka ni katoo. Buote fe mma nkpo okle. Manyu ale nyilakɔ be baye ni kaame lεma oso ni bale, kafɔɔ baaye lesalesaa kuninwii. ¹³ Kafɔɔ awo yi, bulabatakatesa suoto katoo bulenkeesa nyilakɔ loo. Bubatakatesa suoto katoo munse di ɔkpε wɔ di Yaa lεta wo ni kanya. ɔkpε wɔ buɔbla ni kaame lee kafɔɔ nkyaka di nwɔ di Yaa lεta wo nii. ¹⁴ Awo ninle batii kasale ba niayo Kristo ɔlaa biene nwu nkpo buawako ye nii. Nkpo oso lekanta loo nwu diiwaale ɔkpε loo. Diekye awo niabla ɔkpε buabadu ɔkye lee.

¹⁵ Nkpo oso yi, munnkanta di otii bamba ɔkpε suoto di obe wɔ kunanle nwu di Yaa lεta wo nii. Kafɔɔ osuku loo onyu ninle ale ofū onu lee kataka katoo ale buafuo sekpe kple ɔbla kaame lee sinkye sitū di mmle okle di Yaa lεta wo nii, ¹⁶ ale buafuo ɔlaa biene nwu nkpo obue di sekpoo bamba se ninkpe ye ni sεεmaa kamε. Ni dilabawa ale buokanta di otii bamba ɔkpε wɔ atɔɔbla ni di aba nwu nkpo suoto. ¹⁷ Fe mmle bεekpana ni di Kɔkpana Klekle kamε ale, “Otii lele ninkomie ale akanta yi, aakanta di lessaa le di Yaa lεbla ni suoto.” ¹⁸ Diekye otii wɔ di Yaa lεtansa ni yi, nnwɔɔ niefi nε. Diele otii wɔ nintansa ni suoto niefi.

11

*Paulo Ditatunako Balaate Batunlete Di Korinto
Kasiisakɔ Kamε.*

¹ Lefū lenu nle bibawε otu mintεε kuntε kkokakate fεle buute. Lekoto bitan-yo mi diikpile, bikyɔɔ mi atoko! ² Kókpε sesɔfɔwo diisi lee fe mmle di Yaa nkpe ni sesɔfɔwo. Lekaale ye leta Kristo fe mmle okle mankaale kakpeeleebeeite ka ninanye ni osuɔtɔ manta ni kɔsa. ³ Kɔyeke nle batii bawo malalaasa ye disibu ale bilabasinte klekle bitikanko Kristo nkpaamaa. Fe mmle okle di kɔsaanwu lafe ni di kakyɔnkyɔ osuku suoto aalalaasa ni Eva disibu aataaabla ni okpile. ⁴ Kobue ɔlaa wɔ mmle diekye, nse otii owo lewa εbayie Yesu bamba lekya εeta ye di nwɔ lekya buayie buata ye ni sεmaa, ee biefū ninwuna bamba lewo di nle biafū ni kofokofoko sεmaa, ee biefū ɔlaa biene bamba owo di nwɔ biafū ni sεmma di ɔkyε loo yi, ni biesii sεwa ɔpe ofū nwu wla!

⁵ Kafɔɔ lefū lenu nle batii ba biefükuti nnεε lee biefū bile bale ni batɔkyεntε biene nwu nkpo yi, baale balenke mi di osuku kuonwii suoto. ⁶ Kunte ninfuo ɔkakate nwaa yi, diele ale Yaa ɔlaa ninananye. Butɔɔta nle mmle kame lekpa ye di osuku biala suoto.

⁷ Obe wɔ kame lakyε ni Yaa ɔlaa biene nwu nkpo kasɔ lekya oyie ɔta ye yi, ntafū ye koto kukunwii. Kafɔɔ lawakosa suoto kasɔ di mmle okle baatakatesa ye ni katoo. Ni, nni ninle okpile wɔ lebla ni nε? ⁸ Koto ko di bafūbanutε akudi bamba latoosiisa baatɔɔtεε ni yi, nkū layɔ latoonyu suoto di obe wɔ lawε ni di ɔkyε lee nε. Ote ko dite fe latooyu ma layɔ latɔɔkyakaako ye.

⁹ Obe wɔ lawε ni di ɔkyε lee yi, kanya nii onyu ditatika ye di suoto nse lesaa leffi mi. Babiloo ba niakye ni Makedonia niawakoe lesaa biala le

niafī mi nii. Nioso ntakpee kuonwii lee kubue di lesalesaa nii suoto. Nkpo okle kafōo ninōōwa ye kubue əbakpee diidii ne. ¹⁰ Obe wō di Kristo nwaako əlaa nwō nsi mi ni kaame yi, lesalesaa dilaafuo mi osuku otii ale, naafuo nle mmle ɔyō əkanta di Akaia kasō suoto di ntēē nwu. ¹¹ Ni be oso kobue nle ninfū lesalesaa nkyeko əkye lee? Diele ale nimbōmbo ye ni oso. Yaa omu n-ye ale mbōmbo ye.

¹² Lesaa le kōbla nii yi, makple ntōōbla nkpo okle ale, namafū lesalesa nkyeko əkye lee. Nle mmle mata ale, mma nkpo ninkobue ale bale ni batōkyente yi, blōbawé osuku kuonwii bakanta babue ale, mma kafōo bōōbla əkpē fe mmle okle di awoo buōbla nii.

¹³ Batii nwu nkpo diele batōkyente nwaa. Balatae batōkyente bale. Mambue kafōo selaa kua-funu di əkpē lēma əbla kamē. Beεbla suoto ale batii kanya ma fe Kristo batōkyente nwaa bale. ¹⁴ Nle mmle diele lesaa fōle, diekye Abonsam omu bia nkyelensa suoto ambla fe Yaa tōkyente wō ninkpe ni leklekle. ¹⁵ Nkpo oso nle mmle diebla əkpē nse batikankotē nōō nwu kafōo lekyelensa suoto beεbla fe Yaa bakpemblatē ba nimbla ni asaa tinini. Kaayentelekō Yaa kōwa ma kotoko ənanfi fe mmle okle diesieko ma ni di əsaabla lēma suoto.

Paulo Lakanta Diibuo Nōō Suoto Fe Tōkyente.

¹⁶ Kokple ntōkō ye nle, kuonwii atannyu mi ale lebuu. Kafōo nse otii owo lenyu ale lebuu yi, aayō ninkpo ale amii kafuo əkanta kεεkεε. ¹⁷ Katōkō ye nii, əlaa wō kobue ni yi, diele lessaa le di Saate lekpee mi ale mbue ni dile. Diekye

ɔkanta wɔ kɔkanta ni di ɔlaa wɔ mmle kamε yi, dibate fε mmle di buute nkanta nii. ¹⁸ Kafɔɔ di obe wɔ baatii kpinwu nkanta ni kaayi ka mmle asaa suoto oso yi, ami kafɔɔ bitεε osuku ninkanta kεεkεε. ¹⁹ Di obe wɔ di aye bamu bile ni banumbente oso yi, mintuna minfū babuutε ba mmle okle. ²⁰ Nse otii owo leyo ye εεbla kpεmblate nɔɔ, ee ɔɔtafaa ye, ee ɔɔkyɔɔ ye okū owo, ee olooobu ye akpee lesalesaa kamε, ee εερε ye kɔnεε kootokosi bia yi, mintunako nwɔ. ²¹ Kafɔɔ awo yi, sinunɔ sile sieta wo ale buabla ye asaa nwu nkpo okle. Sεε dikaate ale buabla nya?

Asaa ya baatii bawo makpee otu mankanta ni yi, ni ami kafɔɔ makpe otu nwu nkpo okle nkanta. Binyu lo kɔkakate fele buute. ²² Batii nwu nkpo, nse boobue ale Hebri batii bale, ami kafɔɔ Hebri otii nwu nle ne. Nse boobue ale Israel batii bale, ami kafɔɔ Israel otii nwu nle ne. Nse boobue kafɔɔ ale Abraham banantii bale yi, ami kafɔɔ Abraham ɔnantiι nwu nle ne. ²³ Nse boobue ale Kristo bakpεmblate bale? Ami, nle Kristo kpεmblate biene nlenke ma. Beεta kɔkakate fele otii wɔ diisi kamε ntɔɔlalaan ii. Nwaako kabue nii, kɔbla Kristo ɔkpε osie kanya nlenke ma. Batii ba ninambɔmbɔ ni Kristo ntɔɔtε mi leeyo obe kpinkidi. Batɔɔpε mi kafɔɔ taataa ninaafuo ni ɔka. Obe kpinwu kafɔɔ ntoobuo di kukpi ku nkpa ntεε. ²⁴ Senɔɔ simu batɔɔpε mi ku Yuda batii mpile afosi atie senaasī. ²⁵ Sitiε simu kafɔɔ di Roma batii ntɔɔpε mi ku kowesee. Ninwii kafɔɔ batɔɔsafo mi afuɔ. Sitiε simu kafɔɔ di oklo kplε ntooyibiekoe lakpa labuo

di lekpo kame. Niinwii kame yi, lekpo ntu latuka mi dii kuffi nimu ku kakyé kanwii nimu.

²⁶ Di sisuku nii kpinwu ɔkye kame yi, ntoobuo di amiina ate ate kame. Sekle ntɔɔyɔ mi taataa, ntoobuo di bayu nnɛɛ kame. Ntoobuo di amiina kame di ami omu batii nii ba ninle ni Yuda batii nnɛɛ kame ku batii ba kafɔɔ ninanle ni Yuda batii nnɛɛ kame. Ntoobuo di amiina kame di sekpoo kple kame. Labuo di amiina kame di sefaafuu kame, ku lekpo kame. Nkpo okle kafɔɔ labuo niimiina kame di lekpo ntu osi ku batii ba ninanfū banu ni nnɛɛ kame ne. ²⁷ Lakpee okyiini labla ɔkpɛ osie kanya, lasie nkye kpinwu ku sekycɔsī ḥtante ɔkyɔsī. Koka ku otukɔnsɔ laklee mi taataa, obe kpinwu kafɔɔ alesaa ditawɛ mi. Lɛwɔɔfɔ kafɔɔ leklee mi, kafɔɔ ntawɛ lessaa katī ni suoto. ²⁸ Kakyakaa ni di n-ya mmle suoto yi, obe lele kobu diisi di nsiisako be ninkpe ni di aba aba selaa suoto. ²⁹ Nse otii wɔ niefū eenu ni lɛwa kasɔ yi, ami ninnɛɛ nlenkee ofee. Nse bɛekpaa otii owo kafɔɔ beekpee di okpile kame yi, nimbuo mi suoto osie kanya.

³⁰ Nse dieffí ale kakanta yi, ni asaa ya nikodiki antuo ale lɛwa ni kasɔ suoto makanta. ³¹ Yaa wɔ ninle ni Saate Yesu Teete, nwɔ buɔtansa ni diesifi ni dinnaa ni kaloo, aye ale selaa se kobue nii, site nkpo. ³² Obe wɔ lawɛ ni di Damasko yi, abaa nɔɔfo wɔ niasie ni di ɔka Areta kalɔ lamie ale oomufū mi. Nkpo oso aase okpoo banyunte di oyoyie wɔ baatofo baakyisa ni okpoo nwu nkpo nnyoko. ³³ Kafɔɔ bafūbanute layɔ mi baakpee di kakyikye kame baafenko di oyoyie nwu nkpo fesere, baasoosɛɛ baase kaasɔ, latoso lasifi ale ntabuo nwɔ nnɛɛ.

12

Paulo Lanya Odiki Otuo Ku Mmle Eewa Ni Kasɔ.

¹ Dikpe nii lækanta kuntɛ nfasū kunwii diesi di ɔkanta kame. Aye oso yi, nfe mabue asaa ya di Saate ladiki aatuo mi lanya nii. ² N-ye osuɔtɔ onwii niefū Kristo eenu nii. Lefosi aleɛ ana nintabafe ni kame ne, Saate lakɛnke nwɔ aasifiko osi osi. Kafɔɔ ninye nse suoto sina kame diale woo, ninwuna kame diale aakpaa nwɔ. Yaa lete ninye. ³⁻⁴ Lesaa le lete n-ye kobue ni ninle ale Yaa lakpaa osuɔtɔ wɔ mmle aasifiko Paradiso di osi. Kafɔɔ ninye nse suoto sina kame diale aakpaa nwɔ woo, ninwuna kame diale. Kafɔɔ Yaa nnwɔɔ aye. Nfa di osuɔtɔ wɔ mmle lanu selaa se di otii nnaa osuku ambue nii, manaafulo sī ni kasɔ kafɔɔ odiki. ⁵ Nioso makanta di otii nwu nkpo suoto, kafɔɔ namakanta di ami omu suoto. Nse makanta di suoto nii yi, ni makanta di asaa ya nikotuo ale lewa ni kasɔ lete suoto. ⁶ Nse kuntɛ nlɛ kɔkanta di suoto nii kame yi, dilabate fe dibuussaa kɔbla. Diekye selaa se kamabue ni nte nkpo. Kafɔɔ lesī nlɛ nɔɔkanta, diekye noomie nlɛ otii kuonwii anyee alenkeesa mmle okle nte nii di asaa ya nimbla ni ku n-ya nimbus ni kame.

⁷ Ta mmle okle ninamawa fe suoto katoo kɔtakatɛsa ni di asaa kples ya di Yaa ladiki aatuo mi ni oso yi, beekpee mi ofie wɔ ninte ni fe owuu di suoto. Ofie wɔ mmle ntookple fe Abonsam tɔkyentɛ di suoto nii kame, kuɔkpereko osie kanya, mmle okle ninamatatakɛsa ni suoto katoo. ⁸ Sitiɛ simu ntɔɔpɛ ɔlaa leta Saate di ofie wɔ mmle suoto nlɛ, aayɔɔsɛɛ nwu. ⁹ Kafɔɔ

aatəkə mi ale, "Sibuale nii nfə mpə di suoto ləfə, diekye osie nii mbla ɔkpə di batii ba ninnaa ni ɔnyee suoto kunlenkee bia." Nle mmle oso di suoto mayoo mi sinfensa nse kəkanta di kasə nii ɔwa suoto ale Kristo osie mafū kasiə di suoto nii simuu kamə ne. ¹⁰ Nse Kristo oso ləwa kasə yi, ee batii kotufa mi, ee diobuo mi, ee baatii ntikankoe, ee asaa diloołe mi ɔkye yi, suoto mayoo mi. Diekye nse ami omu osie ntəçwa kasə yi, ni ninfū Kristo osie ne.

*Diatɔɔhaa Paulo Di Otu Kamə Di Korinto
Bafübanute Nkpa Suoto.*

¹¹ Kəkakate fele buute, kafəo aye nieta diɔwa ninkpo. Diekye aye dikaate ale biatansəe fiə. Kunte bia diɛwa ale nindie ləsaləsaa yi, batii ba bionyu bile bale ni batəkyentə biene nwu nkpo yi, baale balenke mi di osuku kuonwii suoto. ¹² Sekpe se niabla ni ɔkpə ku atuosaa ku sekpe kple bamba se labla ni ku otu ɔte kaasə kaame lee, kotuo ale nwaako təkyentə biene nle. ¹³ Ninya ləsaa le ləbla ləta ni kasiisakə dikudi lewo dilenke ale nimbla nta ye nii. Səe mmle ntafū ni koto kukunwii nkyeko ni ɔkye lee n-yə nkyakaako ni suoto oso? Kotikiti ye lekoto nle biyə bikye mi ale ntalba nkpo.

¹⁴ Nle mmle ninle ditiefa ntoololaa ni suoto nle kowa ni ɔkye lee ne. Kafəo noomie ləsaləsaa nkyeko ɔkye lee. Aye bamu komie, diele koto lee komie. Diekye diele babi ninsiisa asaa mante ale boonyu balofote ləma. Kafəo balofote ninsiisa asaa mante man-yə mannyu babi ləma. ¹⁵ Nle mmle oso mayoo asaa nii ya ninkpe mi nii mblako ɔkpə, n-yə suoto nii kafəo bia nta ku suoto ləyoo

diisi lee. Ni nse ntɔɔbɔmbɔ ye mmle okle mɔ, ni be oso di lɛbɔmbɔ lee di suoto nii kawa kasɔ?

¹⁶ Bitoonu kasɔ nfe bile, ntale atoo latika ye di suoto. Kafɔɔ batii bawo kamabue ale, ninumbe kanya nkye kɔkyɔɔ ye okū, mmle okle kawε ni lessaa lewo di suoto lee. ¹⁷ Batii ba lakpee ni ɔkye lee, lafe ma di suoto latafaa ye? ¹⁸ Latikiti Tito lekoto nle awa ɔkye lee, ni lakpee bafübanutee loo onwii kafɔɔ nle atikanko nwɔ baawa nε. Di Tito lawa nii, biabue bile aatafaa ye? Diele disibu ninwii ninkpe munko nwɔ buayɔ buabla ɔkpε wɔ buabla ni kaame lee? Diele osuku onwii suoto kafɔɔ buofe mumbla asaa?

¹⁹ Ni onyu ko bionyu bile di obe wɔ mmle omuu kame suoto ko buɔta mundiki di anu lee? Oowo, diele nkpo kute! Buɔkakatee munta ye fe mmle okle di Kristo kamamie ale buakakatee munta ye ni di Yaa anu. Babiloo bɔmbɔtε, lessaa le ko buomie bulε buɔbla ni ninle ale, buɔkyakaako ye ale, ofū onu lee kamue kunkyakaa. ²⁰ Kɔyεke nle nse lewa nfa yi, namawa manya ye fe mmle okle komiee nle manya ye biekyi nii. Nkpo okle kafɔɔ di ayee bilabanyεε fe mmle okle biomie bile binyεε nte ni nε. Kɔyεke nle loobia mawa manya nii, kalɔ ku onumbεbεe ku bawo ɔblɔ okpee ku lete nii lete nii ninle ku bawo odu okutu ku bawo selaa obue ku suoto katoo ɔtakatesa ku onwii ɔtambla nsi ye kaame. ²¹ Kɔyεke kafɔɔ nle, di obe wɔ makple nwa ni nfa yi, Yaa nii mata nnεε nfee mi di anu lee. Ni kamawi kaku di batii kpintwu disi, diekye baakyi siitu lema kame di sikpile se bεεbla ni di obe wɔ nintɔbafe ni kame oso. Bεεbla asaa ya ninkρɔnɔnfɔsa ni otii ku asɔnɔ

okpee ku basiεwo lεma.

13

Paulo Laka Korinto Batii Leyentele.

¹ Nle mmle ninle ditiefa kɔwa ni ɔkye lee nε. Beεkpana di Kɔkpana Klekle Kukũ kamε ale, nse otii owo lεyɔ ɔlaa di owo nɔɔ suoto yi, "Dikpe nii batii banyɔ ee batie leyila ɔlaa nwu nkpo kamaa, beebue ale, ɔlaa nwu nte nkpo, fie baalo otii wɔ niebla ni okpile nwu nkpo lεpɔɔ." ² Obe wɔ lawa ni ɔkye lee lεnyɔɔfa yi, lasi ɔlaa lata batii ba bamuu niabla ni okpile saa ku batii bamba. Nunua nsinnaa ni di ɔkye lee yi, kokple nsɔ ɔlaa nta ma nle, nse lekple lewa yi, namasɔ ma ɔnanfi kootoko. ³ Di obe wɔ biomie bile biotofo nse nwaako Kristo ninkofe di suoto nii ankakate anta ye ni oso yi, bibanya lesaa le biomie nii. Dilabayɔɔ dita ye nse Yaa lεnanfi ye kootoko. Bibanya kafɔɔ bile nwaako akpe osie kaame lee. ⁴ Kunte Yesu ditawε osie di obe wɔ baakaasa nwɔ ni koowoso suoto yi, Yaa layɔ osie nɔɔ aatakatesa nwɔ kuukpi kamε. Nkpo okle di awo ba niebla ni onwii ku Kristo bunaa osie nε. Kafɔɔ bukpe Yaa osie ale buabla lesaa le dikpe nii buɔbla ni kaame lee.

⁵ Aye bamu bibuo di suoto lee kamε binyu, nse bisi di ofu onu nwu nkpo kamε. Bieye bile Yesu Kristo nsi ye kaame? Biye ni! Diediki biebuo di suoto lee kamε bienyu, biɛnya bile biewo. ⁶ Lefu lenu nle, bibanya bile awo yi, buowo. ⁷ Buotikitit Yaa lekoto bulε aklee ye ale bilaabla lesaa kpile kuonwii. Diele ale buɔkaalε nle mmle ale buayɔ muntuo bulε buowo ni di batɔkyεntε ɔkpε wɔ

mmle kamε oso. Kafɔɔ buɔkaalε nle mmle, ta mmle okle biabla ni lesaa biene kunte diotuo fe, buololaa ɔkpε loo bubla. ⁸ Diekye bulaa fuo otaka oyila di nwaako ɔlaa nwu nkpo suoto di osuku kuonwii suoto, kafɔɔ mmle buabla kuakyε ni sitū letē buɔbla. ⁹ Suoto nnycɔ wo nse ofū onu lee kowε osie diebla fe awo buɔwa kasɔ di suoto loo osie kamε ta aye oso. Nkpo oso buɔpε ɔlaa munta Yaa bulε, biamuɔ minkyε sitū minwo nimu ne. ¹⁰ Nle mmle oso kɔkpana kukū ko mmle nkyesee ye di obe wɔ nnaa ni di ɔkyε lee ne, mmle okle nse lewa lebabuo ɔkyε lee yi, ninamananfi ye ni kootoko di osie wɔ di Saate lεtεε ni kanya. Ḍta εεtεε osie nwu nkpo ale kayɔ nkyakaako ofū onu lee kummuɔ kunkyakaa, diele ale kata kunwa kasɔ.

¹¹ Nunua, babiloo, kayente nii yi, bilolaabisie nwaa. Bieklee ofū onu osie kanya ale biamuɔ minwo niimu. Biɛkyɛɔ ɔka wɔ kɔka ye ni atoko di kukū ko mmle kamε. Bibla onwii, biesie di atoko ɔkyε ole kamε. Yaa wɔ nimbɔmbɔ ni batii, anta ni atoko ɔkyε ole asiɛko ye.

¹² Biɛɛsa bawo di Yaa lebɔmbɔ kamε fe mmle diesieɛko ni.

¹³ Yaa bafūbanute bamuu ale, bɔɔsεesa ye biene biene.

¹⁴ Saate Yesu Kristo sibualε ku Yaa lebɔmbɔ, ku Ninwuna Klekle onwii ɔbla, disieɛko bamuu lee.

Yaa Kanya Ninii Føle Selεε

Selεε: Yaa Kanya Ninii Føle Selεε New Testament

copyright © 2008 Wycliffe Bible Translators, Inc.

Language: (Selεε)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Feb 2024 from source files dated 29 Jan 2022

b86b27c9-33ee-5380-a452-244df2dc60c6